

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/49, 07.04.2020թ.

Բողոք բերող անձ՝ «Այթի 365» ՍՊԸ

Պատվիրատու՝ ՀՀ պետական եկամուտների կոմիտե

Գնման ընթացակարգի ծածկագիրը՝ «ՊԵԿ-ԳՀԾՁԲ-20/015» գնանշման հարցում

Գնման առարկան՝ Նախագծերի կառավարման համակարգի սպասարկման ծառայությունների ձեռքբերում

Բողոքի պահանջը՝ պարտավորեցնել «ՊԵԿ-ԳՀԾՁԲ-20/015» ծածկագրով գնանշման հարցման ընթացակարգի գնահատող հանձնաժողովին դադարեցնել հանձնաժողովի 06.04.2020թ-ի նիստի արձանագրության 5-րդ կետի 21-ին ենթակետով կայացրած որոշում՝ «Այթի 356» ՍՊԸ-ի հայտը մերժելու վերաբերյալ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից:

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ
Հասցե՝ 22, ք. Երևան, Մելիք Աղամյան 1, ՀՀ ֆինանսների նախարարություն

Բողոք բերող անձ՝ «ԱՅԹԻ 365» ՍՊԸ
(Տնօրեն՝ Տիգրան Նազարյան)
Հասցե՝ ք. Երևան, 0014, Ահարոնյան փ., շ. 2, հարկ 5
Էլ. հասցե: it365.am@gmail.com
Հեռ.: (012) 51-00-02

Պատվիրատու՝ ՀՀ պետական եկամուտների կոմիտե
Հասցե՝ ք. Երևան, 0015, Մոխես Խոբեհայցի 3,7

Գնման ընթացակարգի ծածկագիրը և առարկան՝
ՀՀ ՊԵԿ կարիքների համար նախագծերի կառավարման համակարգի սպասարկման
ծառայությունների ձեռքբերման նպատակով հայտարարված
«ՊԵԿ-ԳՀԾԶԲ-20/015» ծածկագրով գնանշման հարցում

ԲՈՂՈՔ

- Գործի հակիրճ նկարագրությունը և բողոքի փաստերը.

ՀՀ ՊԵԿ կարիքների համար նախագծերի կառավարման համակարգի սպասարկման
ծառայությունների ձեռքբերման նպատակով հայտարարվել է «ՊԵԿ-ԳՀԾԶԲ-20/015»
ծածկագրով գնանշման հարցում (այսուհետ նաև՝ Ընթացակարգ):

Սույն Ընթացակարգին մասնակցելու նպատակով «ԱՅԹԻ 365» ՍՊԸ-ն (այսուհետ նաև՝
Բողոքաբեր), մասնակցության հայտ է ներկայացրել 05.04.2020թ., և հայտի փաթեթը
ներբեռնել է ARMEPS համակարգ նույն օրը՝ 05.04.2020թ.. Ժամը 11:53, այդ թվում նաև
ներբեռնելով գնային առաջարկը (ստորագրված գնային առաջարկը կցվում է):

Հայտը ներբեռնելու արդյունքում «ԱՅԹԻ 365» ՍՊԸ-ն իր էլեկտրոնային հասցեին
ARMEPS համակարգից ստացել է ոչ ավտոմատ ծանուցում առ այն, որ ներկայացված հայտը
բեռնվել է համակարգ:

Այսուհետև Ընթացակարգի գնահատող հանձնաժողովի 06.04.2020թ. հայտերի
բացման նիստի (կցվում է) արձանագրան 4-րդ կետի համաձայն «ԱՅԹԻ 365» ՍՊԸ-ի հայտի
փաթեթում բացակայում է գնային առաջարկը:

Սույն արձանագրության 5-րդ կետի 1-ին ենթակետի համաձայն՝ Ընթացակարգի
գնահատող հանձնաժողովը որոշեց մերժել «ԱՅԹԻ 365» ՍՊԸ-ի հայտը:



www.armeeps.am համակարգում տվյալ ընթացակարգով առկա «ԱՅԹԻ 365» ՄՊԸ-ի հայտի ուսումնասիրությունը վկայում է, որ գնային առաջարկը ներբեռնված է, սակայն անհասկանալի պատճառներով այն փաստացի բացակայում է:

Մասնավորապես, հայտի փաթեթի «openproject» XML Document (թե էլեկտրոնային, և թե տպագիր տարբերակը կցվում է սույն բողոքին) ուսումնասիրությունից պարզ է դառնում, որ հայտի փաթեթում ՄՊԸ-ի կողմից ներբեռնվել է թե՛ Հավելված 1, և թե՛ Հավելված 2՝ գնային առաջարկը, ավելին, տվյալ փաստաթղթում երևում է նաև **գնային առաջարկը՝ 7 400 000 ՀՀ դրամ:**

Մասնավորապես, վերոհիշյալ ֆայլի վերջին հատվածը ունի հետևյալ բովանդակությունը.

```
<criteria type="numeric" pos="1" level="1" id="1585576844258" mandatory="1">
<label> Գնային առաջարկ, առանց ԱԱՀ (Հավելված 2)</label><relevant-doc>
Financial_Documents\C_1585576844258</relevant-doc>
<prices><price year="0">7400000.0</price></prices></criteria></envelope></e4t>
```

Եթե գնային առաջարկը կցված չլիներ՝ այս տողը գեներացված, արտացոլված չէր լինի («**Financial_Documents\C_1585576844258**», և «**id="1585576844258**» որն էլ կցված ֆայլի անունն է):

• **Բողոքի իրավական հիմքերը և հիմնավորումները**

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով *մասնակիցների շրջանակի ընդլայնում և նրանց միջև մրցակցության խրախուսում:*

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, *ունի գնման գործընթացին մասնակցելու հավասար իրավունք:*

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «ԱՅԹԻ 365» ՄՊԸ-ն, ենթադրաբար, ARMEPS համակարգի (մասնավորապես, **նախապատրաստման գործիքի**) ոչ լիարժեք, թերի աշխատելու պատճառով զրկվել է իր մասնակցության իրավունքից լիարժեք օգտվելու հնարավորությունից: Փաստացիորեն հայտը ներբեռնելու արդյունքում Բողոքաբերը ներբեռնել է գնային առաջարկը, ինչը ապացուցվում է նաև «openproject» XML Document ուսումնասիրությունը, սակայն հայտերը բացվելուց հետո պարզվել է, որ հայտում առանձին ֆայլով գնային առաջարկը առկա չէ, ինչը, Բողոքաբերի կարծիքով,

հանդիսանում է ARMEPS համակարգի թերի աշխատելու արդյունք, քանի որ փաթեթում այնուամենայնիվ թեկուզ և ոչ ընթեռնելի տարբերակով առկա է գնային առաջարկը:

Գտնում ենք, նման պայմաններում Պատվիրատուն կարող է կնքել պայմանագիր **ավելի բարձր գին առաջարկած մասնակից հետ, ինչը էական վնաս կպատճառի բյուջեին և կհանդիսանա բյուջեի միջոցների անհիմն վատնում:**

Նման փաստական հանգամանքների պայմաններում, գտնում ենք, որ վիճարկվող գնանշման հարցման շրջանակներում տեղի է ունեցել «Գնումների մասին» ՀՀ օրենքի 3-րդ հոդվածի 2-րդ մասի 1-ին և 2-րդ կետով սահմանված պայմանագրի կնքման նպատակով մասնակիցների շրջանակի ընդլայնման և նրանց միջև մրցակցության խրախուսման սկզբունքների խախտում, ինչ էլ իր հերթին հանգեցրել է Օրենքի 7-րդ հոդվածի 1-ին մասով երաշխավորված մասնակցի մասնակցության իրավունքի իրականացման սահմանափակմանը կամ ոչ լիարժեք իրականացմանը:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման...:

Ելնելով վերոգրյալից՝ ՀՀ գնումների հետ կապված բողոքներ քննող անձին

ԽՆԴՐՈՒՄ ԵՄ՝

Պարտավորեցնել «ՊԵԿ-ԳՀՇՁԲ-20/015» ծածկագրով գնանշման հարցման ընթացակարգի գնահատող հանձնաժողովին դադարեցնել հանձնաժողովի 06.04.2020թ. նիստի արձանագրան 5-րդ կետի 1-ին ենթակետով կայացրած որոշումը՝ «ԱՅԹԻ 365» ՄՊԸ-ի հայտը մերժելու վերաբերյալ:

Գից ներկայացվում է.

- Պետական տուրքի վճարման անդորրագիրը:
- «ԱՅԹԻ 365» ՄՊԸ-ի տնօրեն Տիգրան Նազարյանի նույնականացման քարտի պատճեն:

• Ընթացակարգի գնահատող հանձնաժողովի 06.04.2020թ. նիստի արձանագրության պատճեն:

- «Openproject» XML Document արտասույումը:
- Փնային առաջարկի պատճեն՝ հաստատված էլեկտրոնային ստորագրությամբ:
- ARMEPS համակարգից ներբեռնած ՄՊԸ-ի հայտի փաթեթը՝ էլեկտրոնային կրիչով:

Առդիր՝ 7 թերթ և էլեկտրոնային կրիչ:

Հարգանքով՝
«ԱՅԹԻ 365» ՄՊԸ տնօրեն

Տիգրան Նազարյան

07.04.2020թ.

